

13 հունիսի 2013 թվականի N 667 - Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2013 ԹՎԱԿԱՆԻ
ՓԵՏՐՎԱՐԻ 21-Ի N 165-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ՈՒ
ԼՐԱՑՈՒՄՆԵՐ ԿԱՏԱՐԵԼՈՒ ԵՎ ՀՍԿՈՂՈՒԹՅՈՒՆ ՍԱՀՄԱՆԵԼՈՒ
Մ Ա Ս Ի Ն

Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության 2013 թվականի փետրվարի 21-ի «Հայաստանի Հանրապետությունում 2013 թվականի գարնանացանի համար գարու, եգիպտացորենի, առվույտի և կորնզանի արտադրության զարգացման ծրագիրը հաստատելու և ֆինանսական միջոցների օգտագործումը թույլատրելու մասին» N 165-Ն որոշման հավելվածում կատարել հետևյալ փոփոխություններն ու լրացումները՝

1) 15-րդ և 16-րդ կետերում «11.0» թիվը փոխարինել «9.5», «37.0» թիվը՝ «52.1» և «490» թիվը՝ «360» թվերով.

2) 19-րդ կետը շարադրել հետևյալ խմբագրությամբ.

«19. Հայաստանի Հանրապետության մարզպետարաններին 850 տոննա գարնանացան գարու, 9,5 տոննա եգիպտացորենի, 52,1 տոննա առվույտի և 400 տոննա կորնզանի սերմացուները պետք է հատկացնել հետևյալ չափաքանակներով՝

NN ը/կ	Մարզի անվանումը	Հատկացվող սերմացուների քանակը (տոննա)			
		գարնանացան գարու սերմացու	եգիպտացորենի սերմացու	առվույտի սերմացու	կորնգանի սերմացու
1.	Արագածոտն	100	2	9	59.9
2.	Արարատ	7.99	0.575	4.47	0
3.	Արմավիր	7	0	4.63	0
4.	Գեղարքունիք	84.365	0	6	60
5.	Լոռի	50	4	5	6.5
6.	Կոտայք	44	0	0	2.7
7.	Շիրակ	107	1.025	10.35	144.4
8.	Սյունիք	400	0.75	11	124.5
9.	Վայոց ձոր	40	0.225	0.15	1
10.	Տավուշ	9.645	0.225	1.5	1
	Ընդամենը	850	8.8	52.1	400

1) 700 կիլոգրամ եգիպտացորենի սերմացու հատկացնել Լեռնային Ղարաբաղի Հանրապետության Քաշաթաղի համայնքին:».

3) 20-րդ կետը շարադրել հետևյալ խմբագրությամբ.

«20. «Սերմերի գործակալություն» պետական ոչ առևտրային կազմակերպության կողմից Հայաստանի Հանրապետության մարզպետարաններին սերմացուները հատկացվում են համապատասխան մարզկենտրոններում գործակալության և համապատասխան մարզպետարանների միջև կնքված պայմանագրերի հիման վրա:».

4) հավելվածը լրացնել հետևյալ բովանդակությամբ նոր՝ 21¹-րդ և 21²-րդ կետերով.

«21¹. Հայաստանի Հանրապետության մարզպետարաններին հատկացված, սակայն հողօգտագործողների կողմից պահանջարկի բացակայության պատճառով չիրացված սերմացուների հետագա պահպանության և դրանց իրացման աշխատանքների պատասխանատվությունը վերապահել Հայաստանի Հանրապետության համապատասխան մարզպետարաններին՝ 2014 թվականի գարնանը հողօգտագործողներին սույն ծրագրի դրույթներին համապատասխան հատկացնելու նպատակով:

21². Հայաստանի Հանրապետության մարզպետները մինչև 2013 թվականի հունիսի 20-ը Հայաստանի Հանրապետության գյուղատնտեսության նախարարություն են ներկայացնում տեղեկատվություն Հայաստանի Հանրապետության մարզպետարաններին հատկացված, սակայն հողօգտագործողների կողմից պահանջարկի բացակայության պատճառով չիրացված սերմացուների մասին, իսկ 2014 թվականի գարնանը, սույն ծրագրի դրույթներին համապատասխան, հողօգտագործողներին հատկացնելուց հետո՝ սերմացուների այդ խմբաքանակի մասին՝ սույն ծրագրով նախատեսված ամբողջական տեղեկատվությունը:»:

2. Սահմանել, որ Հայաստանի Հանրապետությունում 2013 թվականի գարնանացանի համար գարու, եգիպտացորենի, սովույտի և կորնգանի արտադրության զարգացման ծրագրի իրականացման ընթացքի նկատմամբ հսկողությունն իրականացվում է Հայաստանի Հանրապետության գյուղատնտեսության նախարարության կողմից:

3. Հայաստանի Հանրապետության գյուղատնտեսության նախարարին՝ ամփոփի հաշվետվություն ներկայացնել Հայաստանի Հանրապետության կառավարության աշխատակազմ՝ ծրագրի ավարտից հետո մեկ ամսվա ընթացքում:

4. Հայաստանի Հանրապետության մարզպետներին՝ սույն որոշումն ուժի մեջ մտնելուց հետո 5 աշխատանքային օրվա ընթացքում կնքել սույն որոշման 1-ին կետի 3-րդ ենթակետով սահմանված պայմանագրերը կամ կնքված պայմանագրերում կատարել համապատասխան փոփոխություններ:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Տ. ՍԱԳՍՅԱՆ